

Austrijska ambasada u Bosni i Hercegovini dostavila je Ministarstvu civilnih poslova Bosne i Hercegovine informaciju o studijskim programima i kursevima Diplomatske akademije Beč za 2020.

- **57. diplomski studijski program:** jednogodišnji studijski program, sa širokim interdisciplinarnim obrazovanjem u oblasti međunarodnih odnosa za osobe sa univerzitetskom diplomom, nezavisno od studijskog usmjerenja. Težište ovog programa je na upoznavanju struktura i politika Evropske unije. Naročit profil ovog studijskog programa obilježen je učenjem praktičnih vještina (tehnika prezentacije i pregovaranja, retorika, projektni menadžment, itd.), intenzivnim programom jezičkog obrazovanja i višejezične nastave (njemački, engleski, francuski).
- **25. M.A.I.S. – studijski program** (Master of Advanced International Studies) : Dvogodišnji master program sa težištem na Evropi. Kandidatkinje i kandidati koji već raspolažu dostatnim interdisciplinarnim akademskim obrazovanjem u oblasti međunarodnih odnosa, mogu biti primljeni direktno u drugu godinu. Ovaj studijski program realizuje se u saradnji sa Univerzitetom Beč.
- **14. E.T.I.A. – studijski program** (Master in Enviromental Technology & Intrenational Affairs) : dvogodišnji MSC program u saradnji sa Tehničkim univerzitetom Beč. Polaznici ovog studijskog programa će se upoznati kako sa političkom, privrednom i pravnom pozadinom (1. godina na Diplomatskoj akademiji), tako i sa naučno – tehničkim aspektima međunarodnih pitanja vezanih za okoliš (2. godina na Tehničkom univerzitetu).
- **Ljetni kurs za njemački jezik i kulturu i civilizaciju Austrije** : intenzivna nastava njemačkog jezika za sve nivoe poznavanja jezika, sa ekskurzijama i radionicama o austrijskoj politici, istoriji i kulturi.

Dodatne informacije o ponudi Diplomatske akademije Beč se mogu preuzeti sa web stranice Akademije : www.da-vienna.ac.at

Diplomatska akademija Beč dodjeljuje i ograničen broj stipendija. Mogućnosti za podršku variraju od programa do programa.